

Neem jou standpunt vir ware aanbidding in (Deel 2)

Gebaseer op hoofstuk 16 van die boek *Wat leer die Bybel werklik?* wat op jw.org/af beskikbaar is.

DOEL: Ondersoek wat jy glo en hoekom jy dit glo asook wat die Bybel leer, en kyk hoe jy aan ander kan verduidelik wat jy glo.



MOET WARE CHRISTENE VIR ANDER VERTEL WAT HULLE GLO?

1 ONDERSOEK WAT JY GLO

Hoekom sal party mense dalk ja sê?

Hoekom sal party mense dalk nee sê?

Wat glo jy?

Hoekom glo jy dit?

2

ONDERSOEK WAT DIE BYBEL LEER

Ware Christene stry nie oor godsdiensoortuigings nie. (Sien hoofstuk 16 van die *Leer Bybel*-boek, paragraaf 13-17.)

Lees Kolossense 4:6.

Hoe wys hierdie teks dat ons taktvol moet wees wanneer ons verduidelik wat ons glo?

Lees Matteus 7:12.

Hoekom moet ons ander mense nog steeds respekteer al stem hulle nie saam met wat ons glo nie?



Wanneer jy met 'n bal speel, gooi jy die bal sodat dit maklik gevang kan word. Net so moet ons vir ander mense taktvol verduidelik wat ons glo sodat hulle ons standpunt kan verstaan

Ware Christene kom saam met medegelowiges bymekaar en leer hoe om vir belangstellendes te verduidelik wat hulle glo.

(Sien hoofstuk 16 van die *Leer Bybel*-boek, paragraaf 18-19.)

Lees Psalm 22:22; Romeine 1:12 en Hebreërs 10:24, 25.

Hoe help dit ons wanneer ons saam met mede-Christene bymekaar kom om te aanbid?

Lees Maleagi 3:10.

Wat sal gebeur wanneer ons ons standpunt inneem vir ware aanbidding?

Vir wie kan jy vertel wat jy glo, en hoe kan jy dit op 'n taktvolle manier doen?

3 VERDUIDELIK WAT JY GLO

AS IEMAND SÊ...

Jehovah se Getuies probeer altyd hulle oortuigings op ander afdwing.

JY KAN ANTWOORD...

Wel, ons wil graag vir mense wat belangstel, *verduidelik* wat ons glo. Maar ons *dwing* niemand om sy oortuigings te verander nie, want...

Watter teks kan jy vir die persoon lees?

Dink aan wat die persoon glo. Hoe sal jy die teks verduidelik?

AS IEMAND SÊ...

Godsdiens is 'n persoonlike saak. Dit is nie iets wat jy met ander mense bespreek nie.

JY KAN ANTWOORD...

Baie mense voel vandag so. Maar eintlik spoor die Bybel ons aan om oor ons oortuigings te praat, want...

Watter teks kan jy vir die persoon lees?

Dink aan wat die persoon glo. Hoe sal jy die teks verduidelik?
